

天一閣藏明代方志選刊

趙

州

志



ED56/0601

一九六二年十一月上海古
籍書店據寧波天一閣藏明
隆慶刻本景印原書版框高
二四·〇公分寬一五·八公分

重修趙州志序

今天下郡邑皆有志志者何紀其事而傳之
猶國之有史也吏其土者苟有志足徵則拱
手而坐流覽四境窮閭僻里之狀興革損益
之宜森列於前可接而瞭焉從而張弛揮霍
不難矣故博雅君子一有所遇必考記載備
故實以慎法守昭監戒焉使後之繼者得有

所據而潤澤之其利賴斯民詎有涯哉顧今
之長郡邑者有能治訟謀赴期會鉤稽出納
而以餘力集車馬新旗幟豐肴旨酒以稱塞
上官使客意旨即亦負時名稱才吏可以圖
遷而冀進矣甚者浚人以自殖獵民以致譽
其視郡邑事不啻行路者之視傳舍而又皇
及所謂志乎若吾滇陽蔡先生固可謂奮出

流俗不以傳合視官者吾蓋於其輯趙志而
尤信之趙為古冀州地自三晉分而趙始名
其間山川之勝人物之盛固屹然為都會一
巨輔已先生權守是郡既周知其民俗起其
敝而更化之矣又以故志蕪穢不足觀也復
輯而修之凡地里建置之詳田賦祠祀之制
官師人物之繁莫不粲然具陳而亦井然有

序焉至於篇終又附以襍考二卷而經略畢
備矣蓋先生於案牘承委之間曲盡夫聽采
問察之道故所記載核而不靡詳而有體趙
之為郡於是乎有徵云夫今民俗之不古若
也本於事失其實官壞其方民亡其度虛偽
之習寔淫於人心而流風漸不可極今趙有
志矣世變可考而物軌可稽矣繼是而官趙

者能按籍而披採實而治移易民志而遷之
於古則斯志也庸為輔理經世一大裨益豈
徒空文而已乎先生為海上名儒家學有本
足跡所及必留心文獻往嘗隨厥考宦遊臨
淄作臨淄志既而署教嘉善督學薛方山先
生知其才又以浙志屬之成書及今新河又
作新河志則趙志固其一集耳所裨益者蓋

不止一方也余嘗繫先生弟子籍中故知之
甚詳而因為之序

隆慶初元仲冬上日

賜進士及第翰林院編修文林郎

經筵講官纂修


國史東吳李自華頓首書




趙州志圖引

趙於古爲列國處燕齊韓魏之間謀臣良將車賦材官實相
雄長歷代侯王起事建功並馳爭逐故遺風往蹟多有存者
惜興廢無時宋元以上載籍不可復覩矣弘治癸丑前知州
事張清嘗彙編之而不及六邑正德初知州程遵乃以六邑
事總編之而各爲一卷雖繁簡不同要皆有志好古者也今
相去六十餘年使無以續述則懼時事之或泯也昭不自揣
每於政暇漸次採輯更得栢鄉馮子時化魏子謙攜以其所
藏集來相質正遂合六邑會約成書爲目凡七爲卷凡十庶
幾少繼張程二公之志以存古之懿範云爾

隆慶元年冬十一月朔雲間蔡懋昭識





右州縣總圖疆里畧備其諸城邑之方位具在志中已可
考見固無俟悉圖也今止錄其封域之界云**本州**東至寧
晉界五十里西至元氏界二十五里南至栢鄉界三十里
北至欒城界二十里東南至寧晉界二十里西南至高邑
界二十五里東北至晉州界四十五里至藁城界三十五
里西北至欒城元氏界各二十五里**寧晉縣**東至新河冀
州界各四十里西至本州界二十里南至隆平界三十五
里北至本州界三十里西南至栢鄉界三十里東南至新
河隆平界各四十五里東北至晉州束鹿界各六十里西
北至本州界二十里**隆平縣**東至南宮界四十里西至栢
鄉界二十里南至任縣界二十三里北至寧晉界四十里

東南至鉅鹿界三十五里西南至唐山界二里至唐山縣
治十二里東北至新河界四十五里西北至栢鄉界二十
里**栢鄉縣**東至隆平界一十三里西至臨城界一十七里
南至唐山界十九里北至本州界三十三里東南至隆平
界一十五里西南至內立界三十里東北至寧晉界二十
五里西北至高邑界一十五里**臨城縣**東至栢鄉界二十
五里西至山西樂平界九十里南至內立界大路十五里
北至高邑界三十里東南至唐山界二十五里西南至內
立界二十里東北至栢鄉界二十里西北至贊皇界三十
里**高邑縣**東至栢鄉界二十五里西至贊皇界三十里南
至臨城界二十里北至元氏界二十里東南至栢鄉界二

十五里西南至臨城界二十五里東北至本州界二十里
西北至元氏界三十里**贊皇縣**東至高邑二十五里西至
山西樂平界八十里南至臨城界三十里北至元氏界二
十里東南至臨城界三十五里西南至山西樂平界一百
里東北至元氏界二十五里西北至井陘界五十里

校正官生本州儒學學正楊時榮訓導牛養廉曹松隆
平縣學訓導賈光先臨城縣學訓導李志學高邑縣學
訓導謝祉本州生員張勲李尚敬李統張四科焦希光
趙璉王信楊世康等監刻官鄒城驛驛丞夏良輔本州
遞運所大使趙宗義書寫張魁楊大賓楊慶良

常夏
張守約

趙州志目錄

卷之一

地里

沿革 疆域 里社 山川 古蹟

卷之二

建置

州縣治 學校 公署 城池 營寨 橋梁

卷之三

田賦

土田 戶口 貢賦 差徭 站銀 丁糧
馬政 皇莊

卷之四

祠祀

卷之五

官師

卷之六

官師

卷之七

人物

卷之八

人物

卷之九

雜考

風俗

兵防

物產

陵墓

勲戚

災祥

卷之十

雜考

集覽

李氏世系

趙原

趙州志目錄

趙州志卷之一

地里

沿革按今州治即古之棘蒲也一名南平棘禹貢為冀州之域周職方為晉鄙邑地三卿分晉趙始取之周安王二十一年趙章借兵于楚伐魏取棘蒲頭王四十五年趙武靈王城鄙以拒中山棘蒲實為屏蔽是也至趙遷之七年遂入于秦屬鉅鹿郡漢興即此地置平棘縣故在今州城屬恒山郡三縣恒山所領凡十八縣惟平棘與房子部南三里避文帝諱又置宋子縣故城在今州城東北二十五里昔高漸改恒為常又置宋子縣離匿作于宋子即此遺址俱存傍多高塚壘壘相屬莫可考也秦昭襄王五十六年燕伐趙屬鉅鹿郡師至宋子趙將廉頗逆擊之燕師大敗殺其將栗腹屬鉅鹿郡之今按象氏即廣阿之地楊氏即慶園之地臨平栢鄉宋子俱隸二縣宋子在今州之北不知何以其時並建趙國則在邯鄲領莫可考臨平疑即為臨城舊名矣